





管清且悲春榮誰不慕五臣作耀歲寒良獨希投分寄石  
友白首同所歸

河陽縣作二首

微身輕蟬翼弱冠忝嘉招在疚妨賢路再升上宰朝  
猥荷公叔舉連五臣作連陪廁王寮長嘯歸東山擁耒耨

時苗幽谷茂織葛峻巖敷榮條落英隕林趾飛莖秀  
陵喬卑高亦何常升降在一朝徒恨良時泰小人道  
遂消譬如野田蓬幹流隨風飄昔倦都邑遊今掌河  
朔徑登城眷南顧凱風揚微綃洪流何浩蕩修芒鬱  
岩堯誰謂晉京遠室邇身實遠誰謂邑宰輕令名患



不劬人生天地間百年孰能要頰五臣作歎如槁五臣作敲石

火警若截道颺齊都無遺聲桐鄉有餘謠福謙在純

約害盈由矜驕雖無君人德視民庶不怵

二

日夕陰雲起登城望洪河川氣冒山嶺驚湍激巖阿

歸雁映蘭時五官作詩遊魚動圓波鳴蟬厲寒音時菊耀

秋華引領望京室南路在伐柯大厦五臣作夏緬無覲崇

芒鬱嵯峨總總都邑人擾擾俗化訛依水類浮萍寄

松似懸蘿朱博糾舒慢楚風被琅邪曲蓬何以直託

身依叢麻黔黎竟何常政成在民和位同單父邑愧

無子賤歌豈敢陋微官但恐黍所荷

在懷縣作二首

南陸迎修景朱明送未垂初伏啟新筭隆暑方赫曦

朝想慶雲興夕遲白日移揮汗辭中宇登城臨清池

涼颺自遠集輕襟隨風吹靈圃耀華果通衢列高椅

瓜瓞蔓長苞薑芋分廣畦稻栽蕭芋芋黍苗何離離

虛薄乏時用位微名日卑驅役宰兩邑政績竟無施

自我違京輦四載迄于斯器非廊廟姿屢出固其宜

徒懷越鳥志眷戀想南枝

二



春秋代遷逝四運紛可喜寵辱易不驚戀本難爲思  
我來冰未泮時暑忽隆熾感此還期淹歎彼年往駛  
登城望郊甸遊目歷朝寺小國寡民務終日寂無事  
白水過庭激綠槐夾門植信美非吾土祇攬懷歸志  
眷然顧鞏洛山川邈離異願言旋舊鄉畏此簡書忌  
祇奉社稷守恪居處職司

悼亡詩三首

荏苒冬春謝寒暑忽流易之子歸窮泉重壤永幽隔  
私懷誰克從淹留亦何益僮俛恭朝命迴心反初役  
望廬思其人入室想所歷幃屏無髮髻翰墨有餘迹  
流芳未及歇遺挂猶在壁悵恍如或存周遑五臣作惶  
驚惕如彼翰林鳥雙棲五臣作飛一朝隻如彼遊川魚比  
目中路析春風緣隙來晨雷承簷滴寢息何時忘沈  
憂日盈積庶幾有時衰莊在猶可擊

二

皎皎牕中月照我室南端清商應秋至溽暑隨節闌  
凜凜涼風升始覺夏衾單豈曰無重纊誰與同歲寒  
歲寒無與同朗月何朧朧展轉盼枕席長簟竟牀空  
牀空委清塵室一作空虛來悲風獨無李氏靈髮髻覩  
爾容撫衿長歎息不覺涕霑五臣作霄一作霄霄安能已



悲懷從中起寢興目存形遺音猶在耳上慚東門吳  
下愧蒙莊子賦詩欲言志此志難具紀命也可奈何  
長戚自令鄙

三

曜靈運天機四節代遷逝淒淒朝露凝烈烈夕風厲  
奈何悼淑儷儀容永潛翳念此如昨日誰知已卒歲  
改服從朝政衷心寄私制茵幬張故房朔望臨爾祭  
爾祭詎幾時朔望忽復盡衾裳一毀撤千載不復引  
疊疊期月周戚戚彌相愍悲懷感物來泣涕應情隕  
駕言陟東阜望墳思紆軫徘徊墟墓間欲去復不忍  
徘徊不忍去徒倚步踟躕落葉委埏側枯荻帶墳隅  
孤魂獨煢煢安知靈與無投心遵朝命揮涕強就車  
誰謂帝宮遠路極悲有餘

贈陸機出爲吳王郎中令

六章

潘尼

東南之美曩惟延州顯允陸生於今五臣尙振鱗

南海濯翼清流婆娑翰林容與墳丘一作鮮玉以瑜潤隋

以光融乃漸上京羽善作儀儲宮玩爾清藻味爾芳

風泳之彌廣挹之彌冲二崑山何有有瑤有珉及爾

同僚具惟近臣予涉素秋子登青春愧無老成廁彼

日新三祁祁大邦惟桑惟梓穆穆伊人南國之紀帝



選詩中  
日爾諧惟王卿士俯僕從命奚恤奚喜四我車既巾  
我馬既秣星陳夙駕載脂載轄婉變二宮徘徊殿闥  
醪澄莫饗孰慰饑渴五昔子忝私貽我蕙蘭今子徂  
東何以贈旃寸晷惟寶豈無璵璠彼美陸生可與晤  
言六

贈河陽詩

叔潘岳爲  
河陽令

慮生化單父子奇蒞東阿桐鄉建遺烈武城播絃歌  
逸驥騰夷路潛龍躍洪波弱冠步鼎鉉既立宰三河  
流聲馥秋蘭擣藻豔春華徒美天姿茂豈謂人爵多

贈侍御史王元貺

崑山積瓊玉廣廈構衆材遊鱗萃靈沼撫翼希天階  
膏蘭孰爲消濟治由賢能王侯厭崇禮迴迹清憲臺  
蠖屈固小往龍翔迺大來協心毗聖世畢力讚康哉

迎大駕

南山鬱岑崟洛川迅且急青松蔭修嶺綠蘩被廣隰  
朝日順長塗夕暮無所集歸雲乘憶浮淒風尋帷入  
道逢深識士舉手對吾揖世故尚未夷峭函方嶮澁  
狐狸夾兩轅豺狼當路立翔鳳嬰籠檻騏驥見維繫  
俎豆昔嘗聞軍旅素未習且少停君駕徐待干戈戢

詠史八首

左思



弱冠弄柔翰卓犖觀群書著論準過秦作賦擬子虛  
邊城苦鳴鏑羽檄飛京都雖非甲冑士疇昔覽穰苴  
長嘯激清風志若無東吳鈎刀貴一割夢想騁良圖  
左盼澄江湘右盼定羗胡功成不受爵長揖歸田廬

二

鬱鬱澗底松離離山上苗以彼徑寸莖蔭此百尺條  
世胄躡高位英俊沈下僚地勢使之然由來非一朝  
金張藉舊業七葉珥漢貂馮公豈不偉白首不見招

三

吾希段干木偃息藩魏君吾慕魯仲連譚笑却秦軍

當世貴不羈遭難能解紛功成耻善作不受賞高節卓  
不群臨組不肯緹對珪寧肯分連璽曜前庭比之猶  
浮雲

四

濟濟京城內赫赫王侯居冠蓋蔭四術朱輪竟長衢  
朝集金張館暮宿許史廬南鄰擊鍾磬北里吹笙竽  
寂寂楊子宅門無卿相輿寥寥空宇中一作內所講在  
玄虛言論準宣尼辭賦擬相如悠悠百世後英名擅

八區

五



皓天舒白日靈景耀神州列宅紫宮裏飛宇若雲浮  
峨峨高門內藹藹皆王侯自非攀龍客何爲歛來遊  
被褐出閭闔高步追許由振衣千仞岡濯足萬里流

六

荆軻飲燕市酒酣氣益震哀歌和漸離謂若傍無人  
雖無壯士節與世亦殊倫高眇邈四海豪右何足陳  
貴者雖自貴視之若埃塵賤者雖自賤重之若千鈞

七

王父宦不達骨肉還相薄買臣困樵採伉儷不安宅  
陳平無產業歸來騁負郭長卿還成都壁立何寥廓

四賢豈不偉遺烈光篇籍當其未遇時憂在填溝壑  
英雄有迤邐由來自古昔何世無奇才遺之在草澤

八

習習籠中鳥舉翮觸四隅落落窮巷士抱影守空廬  
出門無通路枳棘塞中塗計策棄不收塊若枯池魚  
外望無寸祿內顧無斗儲親戚還相蔑朋友日夜踈  
蘇秦北遊說李斯西上書俛仰生榮華咄嗟復彫枯  
飲河期滿腹貴足不願餘巢林棲一枝可爲達士模

招隱二首

杖策招隱士荒塗橫古今巖穴無結構丘中有鳴琴



選詩

白雲一作雪停陰岡丹葩曜陽林石泉漱瓊瑤織鱗或

善作亦浮沈非必絲與竹山水有清音何事待嘯歌灌

木自悲吟秋菊兼餽糧幽蘭間重襟躊躇足力煩聒

欲投吾簪

二

經始東山廬果下自成榛前有寒泉井聊可瑩心神

峭蒨青葱間竹栢得其真弱葉棲霜雪飛榮流餘津

爵服無常玩好惡有屈伸結綬生纏牽彈冠去埃塵

惠連非吾屈首陽非吾仁相與觀所尚逍遙撰五臣作極

良辰

雜詩

秋風何冽冽五臣作烈烈白露為朝霜柔條旦夕勁綠葉

日夜黃明月出雲崖皦皦流素光披軒臨前庭嗷嗷

晨雁翔高志局四海塊然守空堂壯齒不恒居歲暮

常慨慷

雜詩

張翰

暮春和氣應白日照園林青條若總翠黃華如散金

嘉卉亮有觀顧此難久耽延頸無良塗頓足託幽深

榮與壯俱去賤與老相尋歡樂不照顏慘悽發謳吟

謳吟何嗟及古人可慰心

選詩中

三

詞



七哀詩二首

張載

北芒五臣作何壘壘高陵有四五借問誰家墳皆云漢

世王恭文遙相望原陵鬱膻膻季世五臣作葉喪亂起賊

盜如豺虎毀壤過一杯便房啟幽戶珠柙一作離玉匣

體珍寶見剽虜園寢化為墟周墉無遺堵蒙龍荆棘

生蹊逕登童豎狐兔窟其中蕪穢不復掃頽隴竝墜

發萌隸營農圃昔為萬乘君今為丘中土感彼雍門

言悽愴哀今五臣作古

二

秋風吐商氣蕭瑟掃前林陽鳥五臣作鳥收和響寒蟬無

餘音白露中五臣作朝夜結木落柯條森朱光馳北陸浮

景忽西沈顧望無所見唯觀松柏陰蕭蕭高桐枝翩

翩棲孤禽仰聽離鴻鳴俯聞蜻蛚吟哀人易感傷觸

物增悲心丘隴日已遠纏綿思彌深憂來令髮白誰

云愁可任徘徊向長風淚下沾衣襟

擬四愁詩四首

我所思今在南巢欲往從之巫山高登崖遠望涕泗

交我之懷矣心傷勞佳人遺我笥中布何以贈之流

黃素願因飄風超遠路終然莫致增永慕

二



我所思今在朔涓欲往從之白雪霏登崖遠望涕泗  
頽一作垂我之懷矣心傷悲佳人遺我雲中翮何以報  
之連城壁願因歸鴻超遐翮終然莫致增永積

三

我所思今在隴原欲往從之隔太山登崖遠望涕泗  
漣我之懷矣心傷煩佳人遺我雙角端何以贈之雕  
玉環願因行雲超重巒終然莫致增永歎

四

我所思今在營州欲往從之路阻修登崖遠望涕泗  
流我之懷矣心傷憂佳人遺我綠綺琴何以贈之雙

南金願因流波超重深終然莫致增永吟

詠史

張協

昔在西京時朝野多歡娛藹藹東都門群公祖二疎  
朱軒曜金城供帳臨長衢達人知止足遺榮忽如無  
抽簪解朝衣散髮歸海隅行人爲隕涕賢哉此大一作  
夫揮金樂當年歲暮不畱儲顧謂四座賓多財爲  
累愚清風激萬代名與天壤俱咄此蟬冕客君紳宜  
見書

雜詩十首

秋夜涼風起清氣蕩暄濁蜻蛚吟階下飛蛾撲一作拂



明燭君子從遠役佳人守乳獨離居幾何時鑽燧忽  
改木房櫳無行跡庭艸萋以綠青苔依空牆蜘蛛網  
四屋感物多所懷沈憂結心曲

二

大火流坤維白日馳西陸浮陽映翠林迴飈扇綠竹  
飛雨灑朝蘭輕露棲叢菊龍蟄暄氣凝天高萬物肅  
弱條不重結芳蕤豈再馥人生瀛海內忽如鳥過目  
川上之歎逝前修以自勗

三

金風扇素節丹霞啟陰期騰雲似涌煙密雨如散絲

寒花發華采

五臣作彩

秋艸含綠滋閒居玩萬物離羣戀

五臣作念

所思案無蕭氏牘庭無貢公綦高尚遺王侯道

積自成甚至人不嬰物餘風足染時

四

朝霞迎白日丹氣臨腸谷翳翳結繁雲森森散雨足  
輕風摧勁艸凝霜竦高木密葉日夜踈叢林森如束  
疇昔歎時遲晚節悲年促歲暮懷百憂將從季主卜

五

昔我資章甫聊以適諸越行行入幽荒歐

五臣作甌

駱從

祝髮窮年非所用此貨將安設瓠瓠夸璵璠魚目笑



明月不見郢中歌能否居然別陽春無和者巴人皆  
下節流俗多昏迷此理誰能察

六

朝登魯陽關狹路峭且深流澗萬餘丈圍木數千尋  
咆虎響窮山鳴鶴聒空林淒風爲我嘯百籟坐自吟  
感物多思情在險易常心竭來戒不虞挺轡越飛岑  
王陽驅九折周文走岑峯經阻貴勿遲此理著來今

七

此鄉非吾地此郭非吾城羈旅無定心翩翩如懸旌  
出覩軍馬陣入聞鞞鼓聲常懼羽檄飛神武一朝征

長鋏鳴鞘中烽火列邊亭捨我衡門衣更被縵胡纓  
疇昔懷微志帷幙竊所經何必操干戈堂上有奇兵  
折衝樽俎間制勝在兩楹巧遲不足稱拙速乃垂名

八

述職投邊城羈束戎旅間下車如昨日望舒四五圓  
借問此何時蝴蝶飛南園流波戀舊浦行雲思故山  
閩越永文虵胡馬願度燕風土安所習由來有固然

九

結宇窮岡曲耦耕幽藪陰荒庭寂以閒幽山一作岫峭  
且深淒風起東谷有滄興南岑雖無箕畢期膚寸自



成霖澤雉登壟雒寒猿擁條吟溪壑無人跡荒楚鬱  
蕭森投耒循岍垂時聞樵採音重基可擬志廻淵可  
比心養真尚無爲道勝貴陸沈遊思竹素園寄辭翰  
墨林

十

墨蜈躍重淵商羊舞野庭飛簾應南箕豐隆迎號屏  
雲根臨八極雨足灑四溟霖瀝過二旬散漫亞九齡  
階下伏泉涌堂上水永生洪潦浩方割人懷昏墊情  
泥液激陳根綠葉腐秋莖里無曲突煙路無行輪聲  
環堵自頽毀垣間不隱形尺燼重尋桂紅粒貴瓊瓊

君子守固窮在約不爽貞雖榮田方贈慙爲溝壑名  
取志於陵子比足五臣作之黔婁生

雜詩

王讚

朔風動秋艸邊馬有歸心胡寧久分析靡靡忽至今  
王事離我志殊隔過商參昔往鷓鴣鳴今來蟋蟀吟  
人情懷舊鄉客鳥思故林師涓久不奏誰能宣我心

征西官屬送於陟陽候作詩 孫楚

晨風飄岐路零雨被秋艸傾城遠追送餞我千里道  
三命皆有極咄嗟安可保莫大於殤子彭聃猶爲夭  
吉凶如糾纏憂喜相紛繞五臣作擾天地爲我爐萬物一



何小達人垂大觀誠此苦不早乖離卽長衢惆悵盈  
懷抱孰能察其心鑒之以蒼昊齊契在今朝守之與  
偕老

王明君辭

並序

石崇

王明君者本是王昭君呂觸文帝諱改之匈奴盛  
請婚於漢元帝呂後宮良家子昭君配焉昔公主  
嫁烏孫令琵琶馬上作樂以慰其道路之思其送  
昭君亦必爾也其造新曲多哀怨之聲故叙之於

紙云爾

我本漢家子將適單于庭辭訣未及終前驅已抗旌  
僕御涕流離轅馬悲且鳴哀鬱傷五內泣淚沾朱纓  
行行日已遠遂造匈奴城延我於穹廬加我闕氏名  
殊類非所安雖貴非所榮父子見陵辱對之慙且驚  
殺身良不易默默以苟生苟生亦何聊積思常憤盈  
願假飛鴻翼乘之以遐征飛鴻不我顧佇立以屏營  
昔爲匣中玉今爲糞上英朝華不足歡甘與秋艸并  
傳語後世人遠嫁難爲情

思友人詩

曹攄

密雲翳陽景霖潦淹

五臣作浩

庭除嚴霜彫翠艸寒風振

纖枯凜凜天氣清落落卉木踈感時歌蟋蟀思賢詠



白駒情隨玄陰滯心與迴飈俱思心何所懷懷我歐  
陽子精義測神奧清機發妙理自我別旬朔微言絕  
于耳褰裳不足難清揚未可俟延首出階檐佇立增  
想似

感舊詩

富貴他人合貧賤親戚離廉藺門易軌田實相奪移  
晨風集茂林棲鳥去枯枝今我唯困蒙群士所一作皆  
背馳鄉人敦懿義濟濟陰光儀對賓頌有客舉觴詠  
露斯臨樂何所歎素絲與路岐

臨終詩

歐陽建

伯陽適西戎孔子欲居蠻荷懷四方志所在可遊盤  
況乃遭屯蹇顛沛遇災患古人達機兆策馬遊近關  
咨余冲且暗抱責守微官潛圖密已構成此禍福端  
恢恢六合間四海一何寬天網布絃綱投足不獲安  
松柏隆冬悴五臣作瘁然後知歲寒不涉太行險誰知斯  
路難真偽因事顯人情難豫觀窮達有定分慷慨復  
何歎上負慈母恩痛酷摧心肝下顧所五臣作嬌憐女惻  
惻心中酸二子棄若遺念皆邁凶殘不惜一身死惟  
此如循環執紙五情塞揮筆涕沈澗

荅傅咸

郭泰機



皜皜白素絲織爲寒女永寒女雖妙巧不得秉杼機  
天寒知運速况復雁南飛衣工乘刀尺棄我忽若遺  
人不取諸身世事焉所希况復已朝餐曷由知我饑

荅盧諶

八章並序

劉琨

琨頓首損書及詩備辛酸之苦言暢經通之遠旨  
執玩反覆不能釋手慨然以悲歡然以喜昔在少  
壯未嘗檢括遠慕老莊之齊物近嘉阮生之放曠  
怪厚薄何從而生哀樂何由而至自頃輒張困於  
逆亂國破家亡親友彫殘塊然獨坐則哀憤兩集  
負杖行吟則百憂俱至時復相與舉觴對膝破涕

爲笑排終身之積慘求數刻之暫歡譬由疾疢彌  
年而欲一丸銷之其可得乎夫才生於世世實須  
才和氏之璧焉得獨曜於郢握夜光之珠何得專  
玩於隋掌天下之寶固當與天下共之但分析之  
日不能不悵恨爾然後知聃周之爲虛誕嗣宗之  
爲妄作也昔騷驥倚輶於吳阪鳴於良樂知與不  
知也百里奚愚於虞而智於秦遇與不遇也今君  
遇之矣勗之而已不復屬意於文二十餘年矣久  
廢則無次想必欲其一反故稱指送一篇適足以  
彰來詩之益美耳琨頓首頓首



厄運初遘陽爻在六乾象棟傾坤儀舟覆橫厲糾紛  
群妖競逐火燎神州洪流華域彼黍離離彼稷育育  
哀我皇晉痛心在目一天地無心萬物同塗禍淫莫  
驗福善則虛逆有全邑義無完都英藻夏落毒卉冬  
敷如彼龜玉韞櫝毀諸芻狗之譚其最得乎二咨余  
軟弱弗克負荷愆釁仍彰榮寵屢加威之不建禍延  
凶播忠隕于國孝愆于家斯罪之積如彼山河斯釁  
之深終莫能磨三郁穆舊姻燕婉新婚不慮其敗唯  
義是敦累糧携弱匍匐星奔未輟爾駕已隳五臣我  
門二族偕覆三孽竝根長慙舊孤永負冤魂四亭亭

孤幹獨生無伴綠葉繁縟柔條修罕朝採爾實夕將  
爾竿竿翠豐尋逸珠盈椀實消我憂憂急用緩逝將  
去矣庭虛憤滿五虛滿伊何蘭桂移植茂彼春林瘁  
此秋棘有鳥翻飛不遑休息匪桐不棲匪竹不食永  
戢東羽翰撫西翼我之敬之廢歡輟職六音以賞奏  
味以殊珍文以明言言以暢神之子之徃四美不臻  
澄醪覆觴絲竹生塵素卷莫啟幄無譚賓旣孤我德  
又闕我隣七光光段生出幽遷喬資忠履信武烈文  
昭旌弓駢駢輿馬翹翹乃奮長縻是轡是鑣何以贈  
子竭心公朝何以叙懷引領長謠八



重贈盧諶

握中有玄璧本自荆山璆惟彼太公望昔在渭濱叟  
鄧生何感激千里來相求白登幸曲逆鴻門賴留侯  
重耳任五賢小白相射鉤苟能隆二伯安問黨與讐  
中夜撫枕歎相與數子遊吾衰久矣夫何其不夢周  
誰云聖達節知命故不憂宣尼悲獲麟西狩涕孔丘  
功業未及見夕陽忽西流時哉不我與去乎若雲浮  
朱實隕勁風繁英落素秋狹路傾華一作蓋駭駟摧  
雙輶何意百鍊剛化爲繞指柔

扶風歌

朝發廣莫門暮宿丹水山左手彎繁弱右手揮龍淵  
顧瞻望宮闕俯仰御飛軒據鞍長歎息淚下如流泉  
繫馬長松下發鞍高岳頭烈烈悲風起泠泠澗水流  
揮手長相謝哽咽不能言浮雲爲我結歸五臣作飛鳥爲  
我旋去家日已遠安知存與亡慷慨窮林中抱膝獨  
摧藏麋鹿遊我前猿猴戲我側資糧既乏盡薇蕨安  
可食攬轡命徒侶吟嘯絕巖中君子道微矣夫子故  
一作有窮惟昔李騫期寄在匈奴庭忠信反獲罪漢  
武不見明我欲竟此曲此曲悲且長棄置勿重陳重  
陳令心傷樂府每四句一解凡九解



贈劉琨 二十章并序

盧湛

故吏從事中郎盧湛死罪死罪湛稟性短弱當世罕任因其自然用安靜退在木闕不材之資處雁乏善鳴之分卷異遽子愚殊甯生匠者時眇不免饌賓嘗自思惟因緣運會得蒙接事自奉清塵于今五稔謨明之效不著候人之譏已彰大雅含弘量苞山藪加以待接彌優款眷逾昵與運籌之謀厠讌私之歡綢繆之旨有同骨肉其為知己古人周瑜昔聶政殉嚴遂之顧荆軻慕燕丹之義意氣之間糜軀不悔雖微達節謂之可庶然苟曰有情

孰能不懷故委身之日夷險以之事與願違當忝外役遂去左右收迹府朝蓋本同末異楊朱興哀始素終玄墨翟垂涕分乖之際咸可歎慨致感之途或迫于茲亦奚必臨路而後長號覩絲而後歔歔哉是以仰惟先情俯覽今遇感存念亡觸物增眷易曰書不盡言言不盡意然則書非盡言之器言非盡意之具矣況言有不得至於盡意書有不得至於盡言邪不勝猥瀆謹貢詩一篇抑不足以揄揚弘美亦以摅其所抱而已若公肆大惠遂其厚恩錫以咳唾之音慰其遠離之意則所謂咸池



選言中  
酬於北里夜光報於魚目謀之願也非所敢望也  
謀死罪死罪

濬哲惟皇紹熙有晉振厥弛維光闡遠韻有來斯雍  
至止伊順三台擢朗四嶽增峻一伊陟佐商山甫翼  
周弘濟艱難對揚王休苟非異德曠世同流加其忠  
貞宣其徽猷二伊謀陋宗昔遭嘉惠申以婚姻著以  
累世義等休戚好同興廢孰云匪諧如樂之契三王  
室喪師私門播遷望公歸之視險忽艱茲願不遂中  
路阻顛仰悲先意俯思身愆四大鈞載運良辰遂往  
瞻彼日月迅過俯仰感今惟昔口存心想借曰如昨

忽爲疇曩五疇曩伊何逝者彌疎温温恭人慎終如  
初覽彼遺音恤此窮孤譬彼樛木蔓葛以敷六妙哉  
蔓葛得託樛木葉不雲布華不星燭承侔卞和質非  
荆璞眷同尤良用乏驥駉七承亦旣篤眷亦旣親飾  
獎駑猥方駕駿珍彌諧靡成良謨莫陳無覬狐趙有  
與五臣八五臣奚與契闊百罹一作羅身經險阻足蹈  
幽遐義由恩深分隨昵加綢繆委心自同匪他九昔  
在暇日妙尋通理尤彼意氣狹是節士情以體生感  
以情起趣舍同善作要窮達斯已十由余片言秦人  
是憚日殫效忠飛聲有漢桓桓撫軍古賢作冠來牧



幽都濟厥塗炭十一塗炭既濟冠挫民阜謬其疲隸

授之朝右上懼任大下欣施厚實祗高明敢忘所守

十二相彼反哺尚在翔禽孰是人斯而忍斯心每憑

山海庶覲高深遐眺存亡緬成飛沈十三長徽已纓

逝將徙一作徒舉收跡西踐銜哀東顧曷云塗遼曾不

咫尺豈不夙夜謂行多露十四綿綿女蘿施于松標

稟澤洪幹晞陽豐條根淺難固莖弱易彫操彼纖質

承此衝飈十五纖質寔微衝飈斯值誰謂言精致在

賞意不見得魚亦忘厥餌遺其形骸寄之深識十六

先民願意潛山隱几仰熙丹崖俯澡綠水無求於和

自附衆美慷慨遐蹤有愧高旨十七爰造異論肝膽

楚越惟同大觀萬塗一轍死生既齊榮辱奚別處其

玄根廓焉靡結十八福為禍始禍作福階天地盈虛

寒暑周迴夫差不祀爨在勝齊勾踐作伯祚自會稽

十九邈矣達度唯道是杖形有未泰神無不暢如川

之流如淵之量上弘棟隆下塞民望二十

贈崔温

逍遙步城隅暇日聯遊豫北眺沙漠垂南望舊京路

平陸引長流岡巒挺茂樹中原厲迅飈山阿起雲霧

遊子恒悲懷舉目增永慕良儔不獲偕舒情將焉訴



遠念賢士風遂存往古務朔鄙多俠氣豈唯地所固  
李牧鎮邊城荒夷懷南懼趙奢正疆場秦人折北慮  
羈旅及寬政委質與時遇恨以駑蹇姿徒煩非子御  
亦既弛負擔忝位宰黔庶苟云免罪戾何暇收民譽  
倪寬以殿黜終乃最衆賦何武不赫赫遺愛常在去  
古人非所希短弱自有素何以敷斯辭惟以二子故

答魏子悌

崇臺非一榦珍裘非一腋多士成大業群賢濟弘績  
遇蒙時來會聖齊朝彥跡顧此腹背羽愧彼排虛翮  
寄身蔭四嶽託好憑三益傾蓋雖終朝大分適疇昔

在危每同險處安不異易俱涉晉昌艱共更飛狐厄  
恩由契關生義隨周旋積豈謂鄉曲譽謬充本州役  
乖離令我感悲欣使情惕理以精神逼匪曰形骸隔  
妙詩申篤好清義貫幽蹟恨無隋侯珠以酬荆文璧

覽古詩

趙氏有和璧天下無不傳秦人來求市厥價徒空言  
與之將見賣不與恐致患簡才一作備行李圖令國  
命全藺生在下位繆子稱其賢奉辭馳出境伏軾徑  
入關秦王御殿坐趙使擁節前揮袂睨金柱身玉嬰  
俱捐連城既僞往荆玉亦真還爰在澠池會二王克



交歡昭襄欲負力相如折其端背血下霑襟怒髮上  
衝冠西缶終雙擊東瑟不隻彈捨生豈不易處死誠  
獨難稜威章臺顛疆禦亦不干屈節邯鄲中俛首忍  
回軒廉公何爲者負荆謝厥譽智勇冠當世弛張使  
我歎

時興詩

疊疊圓象運悠悠方儀廓忽忽歲云暮遊原采蕭藿  
北踰芒與河南臨伊與洛凝霜霑蔓草悲風振林薄  
撼撼芳葉零藥藥芬華落下泉激冽清曠野增遼索  
登高眺遐荒極望無崖巒形變隨時化神感因物作  
澹乎至人心恬然存玄漠

遊仙詩七首

郭璞

京華遊俠窟

五臣作客

山林隱遯棲朱門何足榮未若託

蓬萊臨源挹清波陵岡掇丹莢靈谿可潛盤安事登  
雲梯漆園有傲吏萊氏有逸妻進則保龍見退爲觸  
藩羝高蹈風塵外長揖謝夷齊

二

青溪千餘仞中有一道士雲生梁棟間風出牕戶裏  
借問此何誰云是鬼谷子翹迹企潁陽臨河思洗耳  
聞闔西南來潛波渙鱗起靈妃顧我笑粲然啟玉齒



選言  
蹇修時不存要之將誰使

三

翡翠戲蘭苕容色更相鮮  
綠蘿結高林蒙籠蓋一山  
中有冥寂士靜嘯撫清絃  
放情凌霄外嚼藥挹飛泉  
赤松臨上游駕鴻乘紫煙  
左挹浮丘袖右拍洪崖肩  
借問蜉蝣輩寧知龜鶴年

四

六龍安可頓運流有代謝  
時變感人思已秋復願夏  
淮海變微禽吾生獨不化  
雖欲騰丹谿雲騎非我駕  
愧無魯陽德迴日向三舍  
臨川哀年邁撫心獨悲吒

五

逸翮思拂霄迅足羨遠遊  
清源無增瀾安得運吞舟  
珪璋雖特達明月難闇投  
潛穎怨青陽陵苕哀素秋  
悲來矧丹心零淚緣纓流

六

雜縣寓魯門風暖將爲灾  
吞舟涌海底高浪駕蓬萊  
神仙排雲出但見金銀臺  
陵陽挹丹溜容城揮玉杯  
姮娥揚妙音洪崖領其頤  
升降隨長煙飄颻戲九垓  
奇齡邁五龍千歲方嬰孩  
燕昭無靈氣漢武非仙才

七

選詩中

卷



晦朔如循環月盈已復善作見魄蓐收清西陸朱羲將  
由白寒露拂陵茗女蘿辭松柏薜榮不終朝呼豈豈  
見夕圓丘有奇艸鐘山出靈液王孫列入珍安期鍊  
五石長揖當塗人去來山林客

始作鎮軍叅軍經曲阿作

陶潛

弱齡寄事外委懷在琴書被褐欣自得屢空常晏如  
時來苟冥會宛轡一作婉變憇通衢投策命晨裝暫與園  
田一作林疎眇眇孤舟逝綿綿歸思紆我行豈不遙登  
降一作降千里餘目倦川途異心念山澤居望雲慙高  
鳥臨水愧遊魚真想初在襟誰謂形跡拘聊且憑化

遷終返班生廬

辛丑歲七月赴假還江陵夜行塗口作

閒居三十載遂與塵事冥詩書敦宿好林園無俗情  
如何於此去遙遙至南一作西荆叩柅新秋月臨流別  
友生涼風起將夕夜景湛虛明昭昭天宇闊晶晶川  
上平懷役不遑寐中宵尚孤征商歌非吾事依依在  
耦耕投冠旋舊墟不爲好爵縈一作榮養真衡茅下庶  
以善自名

擬古詩

日暮天無雲春風扇微和佳人美清夜達曙醉且歌



歌竟長歎息持此感人多皎皎一作明明雲間月灼葉  
中華豈無一時好不久當如何

詠貧士

萬族各有託孤雲獨無依曖曖空中滅何時見餘暉  
朝霞開宿霧衆鳥相與飛遲遲出林翮未夕復來歸  
量力守故轍豈不寒與饑知音苟不存已矣何所悲

嵩山海經

孟夏草木長遶屋樹扶疎衆鳥欣有託吾亦愛吾廬  
既耕亦已種時還讀我書窮巷隔深轍頗迴故人車  
歡言一作然酌春酒摘我園中蔬微雨從東來好風與

之俱汎覽周王傳流觀山海圖俯仰終宇宙不樂復  
何如

雜詩二首

結廬在人境而無車馬喧問君何能爾心遠地自偏  
採菊東籬下悠然見南山山氣日夕佳飛鳥相與還  
此中有真意欲辨已忘言

二

秋菊有佳色裛露掇其英汎此忘憂物遠我遺世情  
一觴雖獨進杯盡壺自傾日入群動息歸鳥鳴  
嘯傲東軒下聊復得此生



挽歌

荒艸何茫茫白楊亦蕭蕭嚴霜九月中送我一作郊  
四面無人居高墳正崔嵬馬為仰天鳴風為一作自  
蕭條幽室一已閉千年不復朝千年不復朝賢達將  
一作柰何向來相送人各自一作還其家親戚或餘  
悲他人亦已歌死去何所道託體同山阿

南州桓公九井作

殷仲文

四運雖一作瞬次理化各有準獨有清秋日能使高興盡  
景氣多明遠風物自淒緊爽籟驚幽律哀壑叩虛牝  
歲寒無早秀浮榮甘風隕何以標貞脆薄言寄松菌

哲匠感蕭晨蕭此塵外軫廣筵散汎愛逸爵紆勝引  
伊余樂好仁惑祛吝亦泯猥首阿衡朝將貽匈奴晒

存四池

謝混

悟彼蟋蟀唱信此勞者歌有來豈不疾良遊常蹉跎  
逍遙越城肆願言屢經過迴阡被陵闕高臺眺飛霞  
惠風蕩繁囿白雲屯會阿景昊鳴禽集水木湛清華  
褰裳順蘭沚徙倚引芳柯美人愆歲月遲暮獨如何  
無為牽所思南榮戒其多

反招隱

王康琚

小隱隱陵藪大隱隱朝市伯夷窺首陽老聃



選言中  
昔在太平時亦有巢居子今雖盛明世能無  
放神清雲外絕迹窮山裏鷓鴣先晨鳴哀風  
凝霜彫朱顏寒泉傷玉趾周才信衆人偏智任諸已  
推分得天和矯性失至理歸來安所期與物齊終始

選詩中集

畢



